

BOULEVARD

66

Afl. 3,75

ESTABLECI 1976

MEI 1997

Entrevista cu:
**JULIENNE
SCHWENGLE**

AMOR Y SANGER

E AMOR INESPERA

Canal 90 FM la Superstation

NUMBERNAN DI SUERTE DI BO REVISTA BOULEVARD

35 34 13 10
71 38 57
98 26 42 69



INVENCIBLE

Tira bista pa

e

Leon di Oro

JOYERIA

OLGA

VAZQUEZ

Oranjestad 26 Tel. 822023



ELSA'S FLOWER SHOP

Sta. Cruz 52C,
Tel: (2978) 58128
Fax: (2978) 51228
Aruba

Elsa Greerman
Flowers and Party
decorations for all
occasions



VICTORIA BOTTLING CO. LTD.

Bernhardstraat
126
SAN NICOLAS

TEL: 845430

ROWIGINI'S

Sta. Cruz - Tel.: 858459

**SUPER - ICE - LIQUOR - FAST FOOD - MIXED DRINKS - PATIO
BILLIARD - COLD DRINKS - BEER - TAKE AWAY - SOFT**



Redaccion
Theolindo Lopez

Carta por ser dirigi pa
BOULEVARD
Sta. Cruz 162
Tel.: 856104

Tur Articulo ta reserva y bou
di ningun medio por ser
copia of usa bou di ningun
instancia sin permiso di su
redactor. Cada autor ta
responsabel pa su articulo.

Imprenta:
INTERPRINT



Un poco rato prome cu a ser tira riba e Papa di Roma durante su bisihita na plaza St. Peters, ainda e la duna e mucha muherchiquito, Clara, un sunchi.


PAPA DI ROMA JUAN PABLO II PA VARIOS VEZ CABA A MIRA E MORTO SU DILANTI

Te ainda ta fresco den memoria, tocante e atentado cu a ser comete riba papa "Johanes Paulus II riba e plaza di St. Pieters na Roma. Y kende no ta recorda e fracaso di e homber cu a bisti su mes manera un pastor, cu a trata pa comete un crimen mortal durante 1982 riba e papa di Roma?

Nunca antes ningun papa di Roma a yega di alcanza un noticia asina mundialmente, cu tur sorto di comentaronan con milagrosa-mente e por a logra na scapa for di su morto.

Segun historianan di Roma, e homber santo ey, ya for di prome caba a yega di haya su mes mirando e morto dilanti su wowonan pa cuatro vez.

E promer vez, tabata durante e periodo cu e futuro papa di Roma tabata tin solamente su nuebe aña di edad y por poco a haya su morto inocentemente. E tabata hungando cu un di su compañeronan di school, ora cu su amigo den e cafetaria di su mayornan, a bin



L.G. Smith Blvd. 106 Oranjestad Tel.: 825514/825638
San Nicolas Tel.: 845046 - Shaba Noord Tel.: 870618

FOR:

- MARTIN SENOUR PAINTS
All kinds of HYDRAULIC HOSES
- ENGINE PARTS - CHASSIS PARTS - BATTERIES

We stock for all vehicles made in the U.S.A. Europe and Far East

encontra un revolver cu tabata carga cu bala. Su amigo inocentemente a dirigi e revolver riba e futuro papa di Roma, como chanza.

Pero pa sorpresa di nan tur dos a surti un tiro y e bala a pasa bai cu'n velocidad banda e cara di e futuro papa di Roma.

Durante e segundo guerra mundial, na momento cu e Alemanianan a ocupa Polen, e futuro papa di Roma a ser gedal pa un vehiculo di guerra, pa cual e la keda gravemente herida. Apenas cu a pasa dos luna despues ora cu e futuro papa di Roma a ser retira for di hospital, e la bolbe encontra su mes den un accidente pa un auto, pa cual e la haya un schedelbreuk, Pa varios simannan e mester a lucha contra di su morto. Pero atrobe e futuro papa di Roma a logra di triunfa for di morto.

E di cuatro vez Johannes Paulus, a bolbe logra salva for di morto, na momento cu'n trupa di soldatnan Alemania, a cuminza haci un

buscada pa capta tur hende homber di e edad entre 15 y 50 aña. E Alemanianan a logra di coi un cantidad di hende hombernan preso. Hopi di nan a ser tira mata, mientras cu otronan a ser manda pa un campo di concentracion. E Alemanianan hasta a busca den e cas di e futuro papa di Roma, pero pa su suerte nan a salta su camber, y un vez mas e futuro papa di Roma e dia ey a logra salva for di su morto.

Durante e luna di April 1997, papa "Johannes Juan Pablo" durante su bishita pa Bosnia, atrobe tabata tin un complot pa asesina e papa di Roma, y hasta a a ser poni bomnan pa un atentado contra e papa di Roma. Pero algun hende den vecindario a mira algo sospechoso y a avisa e autoridadnan. Nan a logra di kita e bomnan y e papa di Roma cu tur su salud por a drama su santo bendicion riba e multitud grandi di hende.

Actualmente e homber santo di Roma, ta den preparacion pa un

DEPORTE

SI

DROGA


NO

viaha cu e lo haci e proximo aña pa Cuba, cual pais ta ser goberna pa e comunista Fidel Castro, kende casi sigur no por ta un bon amistad di e papa di Roma. E homber santo, papa di Roma, sigur lo bai ser encontra na Cuba pa un cantidad grandi di esnan cu ta keriendo fielmente den su persona.



**EMISORA
TOP FM 95**

" MAS CAYENTE CU E SOLO "



Lo sigui brilla
den cada Hogar
cu su rayonnan cayente
cu e mihor programacionnan riba delaster un Tereno

Tel: 885555



E Sonido di Aruba

Julienne Schwengle

CANTANTE DI MUSICA MEXICANA A LOGRA SALI FOR DI SCURIDAD

Tras di e microfonnan di "Radio 1270 AM" e animadora Julienne Boekhoudt Schwengle ta haciendo su maximo esfuerzo pa deleita su oyentenan, di un mihor forma cu ta posible cu su Programa "Musica Mexicana". Julienne ta casa pa casi seis aña caba cu Eduardo "Eddy" Boekhoudt. Julienne tin tres yiu, Rowald, Edienne y Edjean. Sinembargo e animadora aki, a keda usa su nomber artistico, pa cual e ta gozando di un popularidad como Julienne Schwengle. Aunque cu Julienne Schwengle ta hopi conoci den e mundo di ranchera, sinembargo e la dicidi di traha como animadora na "Radio 1270 AM", pa di manera aki e por aserca tur su fansnan cu su musicanan consistiendo di ranchera. Su programa "Musica Mexicano" ta tur siman di dialuna te pa diabierna entre 6:30 p.m. y 8:30 p.m. Julienne Schwengle durante su programacion ta tratando di brinda su mihor coleccionnan di musica mexicano, tratando asina pa no desapunta ningun di su oyentenan. Kende enverdad e cantante cu su voz melodioso aki enverdad ta? Revista Boulevard por a logra gana e confianza di Julienne Schwengle y kier reparti esaki cu tur su fiel lesadornan.

Un hari chiquito a aparece riba e cara bunita di Julienne Schwengle, mientras cu e la bisa lo siguiente: "Ah, bo sa, mi ta kere cu mi a nace cu raiznan melodioso. Pero no por ta otro tampoco," Julienne Schwengle a bisa, "como cu ta cu mi 8 aña di edad caba mi a cumenza canta. Mi a cumenza resona mi voz riba coronan y tambe durante festivalnan escolar. Pa mi eseynan, te ainda ta formando un recuerdo grato den mi corazon. Pero ta despues e funcionamiento mes como cantante a principia," Julienne Schwengle poniendo un acento den su voz a bisa. "Mi a haya mi mes ta enfrentando otro cantantenan como competencia den diferente festivalnan. E no tabata algo facil," Julienne sacudiendo su cabez a bisa, "como cu nan tur como cantante tabata lucha fuertemente pa logra conquista e premio como e maximo ganador. Mi ta calcula, cu bo por realiza kico exactamente esey tin di nificacion?" Julienne a bisa mientras cu den fundo un musica mexicano ta resonando cu un volume abou. "pero si ta asina, cu e aplausonan cu ta ser duna pa esnan cu ta presente na e show, na e momento ey ta enriqueze bo talento mas ainda." Julienne kier a sigui bisa algo, pero e la ser interumpi



pa e telefon di "1270" cu pa di tantisimo vez a resona. "Caramba," Julienne a bisa cu'n hari satisfecho, "ta parce cu awe nochí si, mi tin bastante sintonia mes."

Julienne a duna un señal cu su man como despensa, y a pasa man pa un pen y papel. Un rato despues Julienne a cumenza nota algun nomber di su oyentenan cu tabata solicita pa un cancion. Na momento cu Julienne a bolbe pone e telefon riba haak, e la manda su cabeinan blond y bunita atras y a bisa cu'n tono suave lo siguiente: "Nos tin e tempo necesario atrobe pa sigui cu nos combersacion."

"Aunque cu mi ta goza di popularidad mas riba e tereno di musica ranchera, sinembargo mi a yega di participa tambe pa tumba, festival di balada y hasta mi a logra conquista e titulo di "Reina di Dande", Julienne a bisa cu'n voz orgulloso." Bo por kere mi, pero e anochi ey si, mi a sinti mi hopi orgulloso mes. Y mi ta tin e motibo pa esaki tambe, como cu Dande ta e unico cultura propio di Aruba, ademas e no ta consisti of ser canta den ningun otro nacion. Dande ta un cultura cu nos a hereda y ta pertenece na nos riqueza. Y no trata na bisa mi, cu esey no

ta asina," Julianne sonriente a bisa.

Julienne Schwengle ta un artista cu semper ta hopi activo mes. E la yega di actua na television, hotelnan, representa Aruba na Corsou, Bonaire y hasta a logra conquista e premio ganador den un festival di balada. Grabacionnan e la yega di haci na cantidad.

"Bo por kere mi, pero na cas mi no tin lugar mas pa tanto trofeo y medalla cu mi a logra conquista. Nan tur ta consisti pa mi, como algo valioso pa un artista," Julianne Schwengle a bisa mientras cu e telefon a bolbe resona y a interumpi nos combersacion. E cara di Julianne a keda e mesun contento na momento cu e la atende e telefon. Despues cu Julianne a termina di atende e telefon, e la bisa cu'n hari chiquito lo siguiente: "Den un trabou como animadora

di radio, bo ta keda cu mas entusiasmo ainda, como




cu e oyentenan pa medio di nan yamada, ta duna bo di compronde,

cu bo programa ta ser sintoniza. Y ta exactamente e yamadanan aki ta haci, cu bo por sinti bo mes den

un bon humor. Bo por sigui mi combersacion? Nan ta e stimulantenan pa bo por canta progreso. Ai,"

Julienne a bisa, como artista di musica mexicano mi ta hopi conoci mes den nos comunidad." Despues di e palabranan ey Julianne a mantene un silencio y a dirigi su miradanan pa medio di e glas di e studio di "Radio 1270", den e otro studio, cual ruman di e emisora aki ta transmiti completamente den stereo. Un di e locutornan tabata ser mirable den combersacion cu un di e noticieranan di "1270". Julianne a pasa su mannan entre e cantidad grandi di C.D. nan y e casettenan cu tabata su dilanti. Pa un rato e la drecha e vest blanco cu e ta tin bisti y despues cu'n voz abou

**Visit
the
Colonel!**



Bring it
on home!

It's "finger
lickin' good"

Kentucky Fried Chicken.

KENTUCKY FRIED CHICKEN

at
**Hendrikstraat
24
call 823447**

Opened daily from
11'o clock a.m.

On weekend until 1'o clock a.m.

a expresa e siguiente: "Berdad mi tabata tin un bida di artista pa cual mi no por keha. Aunque con bon, mi a pasa como cantante, desues mi a bin realiza cu sinembargo mi tabata haci falta di algo."

"Mi a cuminza sinti mi mes rondona pa un soledad completo. Mi ta tin e sentimento, cu ningun hende mes no kier mi, of tin e stimacion pa mi. Tabata parce, cu semper ta mi persona ta esun malo y cu ta ser obliga pa carga tur culpabilidad," Julienne a bisa cu'n voz serio. Pa un rato e la pasa su mannan den otro y a bisa: "Bo sa, a yega asina leu, cu mi a bira un sorto di juegete di Satanás. Mi a kere cu pildo, trip, bebida of droga ta e solucion. Pero esey no ta asina," Julienne a bisa mientras cu un seriedad a ocupa su cara limpi y bunita. "E tabata un puro engaño di diabel cu kier a finaliza mi bida. Como cu na e momentonan, e efectonan terrible nan ey, despues a pertenece na pasado, mi a kere cu tur cos tabata tras di lomba. Pero e problemanan a bolbe aserca mi atrobe of hasta peor ainda," Julienne a bisa manera un persona cu ta en busca di un salida. Mi . . . Mi a bin realiza cu enverdad mi tabata ser rondona pa

peligro. Despues mi a realiza un solo cos y esey ta, cu mi mester percura mas liher cu ta posible pa sali for di e scuridad di e poz hundo cu mi a cai aden, sin fondo. Sin salida y sin speranza. Pero di un hecho mi ta tin e seguridad, cu mester tin un solucion. Pero kico y con, mi no por a realiza esey. Anochi ora cu mi bai drumi, mi ta sclamando: "Señor por favor tene misericordia cu mi, y brinda mi e yudanza cu mi mester. Ta asina ta," Julienne a bisa mientras cu pa un rato e la tene su rosea aden, "pasobra hopi vez mi a yega di lesa of tende di nos "Señor Hesus Cristo", pero tabata parce cu mi wowonan tabata sera pa esey. Tabata parce cu mi no kier a lanza oracionnan dirigi na nos "Hesus Cristo". Tabata mescos cu mi ta tin e miedo, pa bandona tur loque ta pertenece na mundo. "Pero," Julienne a sigui conta, "apesar di tur mi caprichonan, nos "Gran Señor" a percura, pa mi a ser aserca pa personanan apropiado di su Iglesia pa duna mi un man como yudanza."

"Nan a siña mi conoce e "Señor" tan humilde y bondadoso. Y na e momento ey tambe, mi a mira un

luz na horizonte. Mesora mi corazon a yena di gozo y un paz grandi a cubri mi corazon," Julienne a bisa balanzando su palabra." Bo por kere loque mi ta contando, poco-poco pero cu seguridad, "Hesus Cristo" a corrigi mi bida. Portanan ta habri, loque cu semper mi a kere cu ta algo imposible, pa nos "Señor" e ta posible. Na e momento ey tambe mi bida a ser cubri spiritualmente cu armonia." Julienne su voz na e momento ey tabata resona tranquil y confiabel. "Aki, realidad ta, cu bo mester habri bo corazon y kere den "Su" Poder y biba segun "Su" palabranan, y tene semper fe den nos "Señor". Nos mester keda recorda cu tur nos corazon, cu "E" la muri na cruz pa nos, cargando asina e peso di tur nos picarnan. Enverdad," Julienne habriendo su corazon a bisa, "pasobra "E" la haci esey pasobra "E" ta stima nos tur cu ta den e mundo aki. Pa nos "Señor", no ta existi un alma cubri cu maldad cu nos por conta cu "Su" yudanza. E lo haci milagronan pa un y tur mescos cu "E" la haci pa mi persona. Bo por sigui mi combersacion? Julienne dirigiendo su mes na mi a puntra. "Pasobra den biblia mes ta para; "Bati y lo

Palm Beach Supermarket

Noord 37 - Tel: 861189

- o Tur clase di comestible di alta calidad
- o Beleg geslice bo dilanti
- o Tur clase di liquor
- o Departamento di Panja
- o Cosmetica y tur articulo cu bo'n ta pensa

Pa Aruba completamente y pueblo di Noord



Mi habri, pidi y lo bo haya."


"Tende, Julianne a bisa cu'n voz satisfecho, "nada, pero nada no ta imposibel pa Rey di E Reynan. Di awor padilanti lo mi confia mi "Señor", cu e lo habri tur caminda pa mi, y cu "E" lo resolve y drecha mi bida completo."

Sinembargo cu Julianne a acepta "Dios" den su bida, su corazon ainda no ta satisfecho.

Julianne Schwengle: "E mundo a bira un revolucion di droga cubri cu maldad y crimen. Ta parece cu hopi hende no kier realiza, cu amor di "Dios" ta e realidad berdadero. Mi mes ainda sigur lo keda ser persigui pa diablo, como cu e no ta laga su clientenan bai asina facil, manera hopi hende talvez ta keriendo. Ademá mi tin hopi preocupacion pa mi yiunan, pa mayan ora cu nan bira grandi, pa nan no escohe e caminda di perdicion. Pero di tur manera, mi lo sigui batalla contra Satanás y mi lo usa e palabranan di "Biblia"

como mi spada pa triunfa. Mi sa, cu mi no ta perfecto, mi a yega di comete hopi fallonan y erronan na otronan, pero mi ta arrepenti di corazon, pa nan por perdona mi, pasobra mi ta stima un y tur cu un gran sinceridad. Laga nos tur hunto, ban gradici y alaba nos "Señor, pasobra "E" ta un "Dios" bibo." Julianne a mantene un silencio corto y despues a bisa cu un sonrisa di esperanza y bendiciona lo siguiente: "Mi ta pensando actualmente pa den futuro, mi lo bai usa mi talento artistico tambe pa nos "Señor, p'asina mi por manda "Su" mensahenan, pa cada alma por capta esaki. Mi lo haci mi maximo posible, pa medio di mi canto pa habri corazon di un y tur, pa nan por haya e fortaleza pa desarolla nan mes spiritual-mente." Atras mi a laga Julianne Schwengle, animadora di "1270" y cantante di musica mexicano, cu a logra di convence mi, cu aceptando "Dios", lo nace un luz pa cubri nos bida cu gozo berdadero, confianza y paz.

SUZUKI OUTBOARD MOTOR SPECIAL DISCOUNT Ariba BOTO Y MOTOR



Outboard
**15-25
40Hp**

NOBO - NOBO



9 pia largo x
4 pia hanchu

Boto

completamente
di Fiberglass

Un Stock grandi
a caba di yega.

Bishita nos
Showroom y
convence
bo mes!!!



Distribuidor exclusivo:

BOEKHOUDT TRADING N.V.

Fergusonstraat Tel: 828916

SOPHIE MARCEAU: "PERCURA PA BATALLA CONTRA CUALQUIER DRACULA"

Sophie Marceau cu su imagen preciosa a logra habri e delaster caminda cu por tabata sera pa su persona. Sophie Marceau mes ta di opinion, cu bo no mester keda spera te na momento cu un terremoto ta den vecindario pa actua, pero cu bo tin cu prepara bo mes delanta, pa spera ora cu'n momento asina mester presenta diripiente. Y cu si bo por logra esey, anto definitivamente bo ta laga bo pasado atras y bo por construi un futuro brillante. Y cu algo asina, den tereno profesional oportunidadnan nobo lo habri pa bo, den cual bo por desarolla bo talento mucho mas ainda. "E ta algo hopi facil mes pa compronde," Sophie a bisa, "bo tin cu mira e mundo como bo propio oester, den cual bo persona lo fungi como e perla valioso. Pa e motibo ey, ta bon pa drenta den contactonan cu hendenan di diferente religion of rasanan, y bo lo realiza e ora ey, con e mundo por cambia su mes den un horizonte sumamente precioso. Si bo mester yega na encontra bo mes den un periodo cu sex no tin ningun nificacion pa bo, no haci di esey un preocupacion, pero trata na alcanza bo satisfacion den exitonan financiero. Trata pa bo ta igual cu'n harnas, pa bo por batalla contra cualquier dracula. E mas bunita pa un persona den e mundo aki ta, pa semper tene bo imagen den top, pa di e forma aki bo por keda carga cu massa di energia."



ORA CU SU AMANTE MESTER ACUDI

Pa: Theolindo Lopez

Vivian Kock como "La Malandra" Permiso duna na B.L.V.D.

Hallo, con ta bai cu boso nan tur? Mi lo cuminza cu mi show puntrando boso e siguiente: "Boso sa pakico tur ora mi tata ta bisti un rosa na su camisa?"

Correcto. Pasobra na momento cu bo'n por mira e color roos mas di e rosa, ya mi tata sa, cu a bira tempo pa su camisa ser laba.

Ayera pa casualidad mi a ricibi un telegram for di Africa, cu mi ruman muher a haya un yiu. Pero como cu den e telegram no a ser menciona, cu ta un yiu homber mi ruman muher lo a haya of un yiu muher, awor te ainda mi'n sa, cu mi a bira omo of tanta.

Ami mi mes dia cu mi a nace, mi a bin asina inespera y liher na mundo, cu mi tata a dicidi di yama di "Sputnick".

Antes mi tambe tabata casa, pero mi tata a conseha mi pa divorcia mas liher cu tabata posible. E señora di mi ey, tabata trata mi mescos cu ta algo sushi mi ta. Ki ora cu su amante mester presenta na cas, e ta core skop mi y bari mi cu'n basora bou di cama.

Cu mi tata si, tur cos ta bayendo normal. Tur dia e ta dreña un bar pa bebe un glas di whisky pa celebra su divorcio. E la divorcia binticinco aña pasa.



Como cu den e ultimo dianan, mi a haya cu mi tata a bira un poco flaco, mi a dicidi pa tur dia, traha tres weya di boonchi pa e come. Awor tin hopi hende sa puntra mi, cu mi tata no ta haya molester di come asina tanto boonchi. No, mi tata mes no ta haya ningun sorto di molester di esey, pero esnan cu ta para rond di su persona si.

Ayera mi a haya duele di mi tata, ora cu e la bisa mi, cu e ta bai cumpra siete boton nobo pa e cose na su camisa. Pero mi mes ta haya, cu ta mas mihor e cumpra un camisa nobo y cose esey na e siete botonnan bieu.

No cu mi tata ta un mal hende, pero si, e ta hopi pichiri mes. Poco dia

ey mi a bai cu vacantie na Hulanda y placa a caba cu mi. Mesora mi a dicidi pa scirbi mi tata un carta, pa e manda placa pa mi, como cu ta riba caya mi mester drumi anochi. Ya tres dia despues mi a ricibi un telegram di mi tata, den cual e la duna mi su conseho, pa mi tene cuidou pa auto no dal mi, y cu ta mihor pa mas liher cu ta posible pa mi subi riba trottoir.

Tambe mi a yega di bai Africa cu vacantie. Eynan si mi a pasa den algo inagradable mes. Mi tabata den un bosque, ora mi a haya e urgencia pa haci un necesidad. Na momento cu mi tabata para ta haciendo mi necesidad, ora cu diripiente mi a mira dos olifanti para di un distancia corto di mi, na momento cu un di e olifantinan a bisa e otro, ay ta pica, pero ta con e pober ey mester haci pa e por come cu e slurp chiquito ey!

Cu e palabranan ey tambe di e olifanti, mi a dicidi pa bai Aruba mas pronto cu ta posible. Mi tata a keda contento cu mi a regresa atrobe, y e la dicidi pa sali keiro cu mi den caya. Mi no por a kere mi mes ora cu diripiente mi a mira e belleza "La Malandra" den caya. Mesora mi corazon a manera pega den un candela hopi grandi. Mi wowonan a bira mas grandi cu

Cristal Sound 101.7 Fm

E zonido "Cristalino"

J.G. Emanstraat 124 A. - Telph. 827726 - Fax 820144

nunca. Nan a bira asina grandi, cu mi tata kier a presta nan for di mi, pa usanan como bola di billard.

Ta manera "La Malandra" a mira mi, cu mesora e la pone su mes den posicion pa core. Y asina cu e la cumenza core, cu mi tambe a cumenza core. Mas duro cu e tabata coriendo, mas duro mi tambe tabata coriendo. Coriendo mi tabata puntrando den mi mes, cu si e biaha aki so mi lo por logra pa triunfa. Mi tabata morto cansa y casi for di rosea, ora cu un polis net na e momento ey a crusa nos dilanti, y a haci cu mi por a stop di core. Te ainda mi ta gradiciendo na e polis ey, pasobra tabata faltando masha poco mes pa "La Malandra" por a logra haya mi na caminda.

Un tres dia despues di loque a tuma lugar, boso sa kende tabata para dilanti mi porta? Correcto. "La Malandra". E la bin pa cobra e huur di su cas. Como cu mi no tabata tin placa pa paga e huur, e la pasa man cu'n basora, y a keda suta mi cu tur su forza riba mi cabez, te na momento cu mi a cai na rodilla. Mi mester a mara mi rodilla cu ijs pa tanto dolor cu mi a keda cu ne. Sinembargo, e dia ey, mi a keda contento cu ta basora mi tin na cas y no stofzuiger.

Un dia despues, atrobe "La Malandra" a presenta na cas pa cobra huur. Pero e biaha ey si, ta ami ta esun cu a pone "La Malandra" na rodilla, mientras cu e tabata grita cu tur su forza: "Sali foi bou di e cama ey cobarde! Sali foi bou di e cama ey cobarde!"

Riba un dia, mi no por a domina mi corazon mas, y mi a dicidi pa bai bishita "La Malandra". Na momento cu mi a drenta paden, su tata a bira mas furioso cu'n leon y cu un voz duro y odioso e la grita

mi, pa mi sali mas liher cu ta posible for di su cas y pa mi percura pa nunca mas no pone un pia den su cas. Na momento cu mi tabata bandona e cas di "La Malandra", ainda su tata tabata grita mi, pa tene bon cuidou y no trata mes pa pone un pia den su cas. Mi a bai pa mi cas atrobe. Pa su mayan, mi a dicidi pa bolbe bai trata pa bishita "La Malandra" y a drenta den su cas. Y e biaha ey si su tata no por a saca mi for di su cas, como cu mi a drenta den su cas, canando riba mi mannan.


Por ultimo, e tata di "La Malandra" a pone mi na altura, cu su yiu muher, "La Malandra" ta un mucha muher hopi educativo, y cu e sa hopi idioma mes. E sa e idioma, frances, hulandes, spaño, ingles, aleman y mucho mas ainda. Despues e tata di "La Malandra" kier a sa di mi, ta cuanto lenga mi sa. Mi a haya mi mes obliga pa bise, cu ta solamente un lenga mi sa, y esey ta chupa lenga.

Despues cu mi a laga e tata di "La Malandra" sa, con educativo mi ta, e la rabia asina tanto, cu su cara a bira cora-cora. E la bira asina cora, cu facilmente, e por a ser usa como luz di trafico!

Mesora despues ya mi tabata riba caya grawatando mi atras, pa e skop duro cu e tata di "La Malandra" a usa pa saca mi for di su cas. E mesun anochi ey, mi tata kende talvez a kere cu mi ta un persona bobo, a puntra mi, cu mi sa kico talvez ta sex, y ki ora ta e mihor ora pa haci sex? E tabata un pregunta asina facil, cu sin pensa dos vez, mi a laga sa, cu e mihor ora pa haci sex ta, ora cu tin temblor.

Prome cu mi termina mi show, mi kier pone boso na altura, cu ta un poco mas despues, mi a bin realiza ta pakico mi tata a lanza mi un pregunta asina idiota di sex. E la laga mi sa, cu e tin un bista riba un dama joven y hopi sexy mes, y como cu e ta un homber di edad, e kier mi conseho, pa si e mester bai cama cu e muher ey, ta con e por haya sa, ta ki ora den un momento asina amoroso, e por ripara cu e ta birando malo. Mi a sacudi cu mi cabez hariendo y a bise, cu si na momento yega e ora necesario, anto e kier trata na gara e pechonan di e dama sexy, y si su mannan no logra te eynan, anto esey ta un ataka di corazon. Pero cu si su dos mannan logra pa gara e pechonan di e dama ey, anto esey ta nifica, orgasme!

Sigui Flush y yama
WOODY'S



Pa chica pos barata y servicio rapido
Seroe Patrishi #31

BO HOROSCOPO DI AMOR

ARIES

21 Maart - 19 April

Bo corazon lo funciona di contento e luna aki. Ta parce cu for di nos planeta completo, sonrisanan lo ser dirigi den direccion di bo persona. Un persona cu antes a nenga di cumpli cu su promesa haci na bo, lo regresa atrobe, pero e biaha aki si, e no lo tuma despedida di bo y laga bo atras den penanan doloroso. No laga redonan haci riba bo persona, domina bo caracter, bo corazon lo brilla di paden. Trata na ser bo mes, y devolve e cariño cu bo partner lo brinda bo, p'asina bo haya bo mes den un esfera romantico. (19-24-54-56)

TAURO

20 April - 21 Mei

Tin sorpresanan na cantidad y imaginable ta rondona bo. Trata si pa tene bo disciplina na halto. Bo ta encontra bo mes cu plannan, pa pronto cruza lamar den compania di bo partner nobo. No preocupa mucho loque otro hendenan ta pensando di bo. E candela romantico por plama su vlamnan di un manera increible, cual por causa cu bo imaginacion tan precioso por hasta ser dañisimo pa bo plannan. Trata na come mas saludable, pa e condicion di bo curpa no ser perhudica. (07-10-42)

GEMINES

21 Mei - 20 Juni

Aleha bo mes for di tur problema. Trata na cuminsa cu un bida limpi y tranquil. No permiti mucho luho, pa financieramente bo'n dal pasonan atras. E mensahe di e streanan ta completamente na bo favor. Bo ta bai encontra bo mes cu varios anochinan romantico, den cual bo partner lo demostra su amor pa bo, cu lo destroza cualquier duda cu bo por tin di su persona. E lo bai adora bo mas cu nunca. (12-38-50-80)

CANCER

21 Juni - 22 Juli

Na esnan cu ta pertenece na e signo cancer, e luna aki lo contene algun dia, na unda e cariño cu bo ta costumbra di bo partner no ta bai luci tan bunita. Ser sincero cu bo mes, cu no ta tur dia, e solo ta ser permiti pa e nubianan, pa e por luci manera debe ser. Sinembargo bo ta bai tin tanto dianan como anochinan, cu bo por divirti bo mes. Den un di bo dianan agradable entre bo amistadnan, bo partner lo presenta inespera y e lo inspira su amor atrobe pa bo. (11-30-61-66-92)

LEO

23 Juli - 22 Augustus

Esaki atrobe ta un luna cu bo amistadnan lo bai hunga un parti principal den bo bida. Bo lo descubri un di e partinan bon di un persona, cu no ta biba mucho leu di



bo vecindaro. Como cu actualmente bo ta yena cu energia, bo no ta bai encontra bo mes den algo serio. Pero si, e tentacion ta grandi, pa tuma un responsabilidad, cual en sinceridad no ta algo capacita pa bo. Bo amistadnan mes lo duna bo nan consejo apropiado, pa no trata na alcanza pa locual ta imposible pa bo. Bo partner lo trata pa demostra bo e ley berdadero di un salud perfecto. Trata na recompensa bo amistadnan aunque cu un cariño chiquito, pa nan consejo valioso duna na bo. (00-38-70-95)

VIRGO

23 Augustus - 22 September

Bo ta haya pa tende, cu ta un mentira completo cu bo partner enverdad ta adora bo, manera bo ta hibando di pensamiento. Trata pa no cai den e trampa falso aki, p'asina evita un desgusto entre abo y bo partner. Un trampa asina solamente por trece un tristeza den bo bida. Y bo no merece lagrima y soledad, pero solamente e stimacion di bo partner cu a gana e confianza di bo corazon. (05-44-52-98)

LIBRA

23 September - 22 October

Bo lo ricibi un carta, cu lo deposita bo corazon den recuerdonan maravilloso. Trata pa e recuerdo di e carta ey, mantene bo corazon den claridad. Un muher consistiendo di cabeynan preto y largo, ta tratando pa logra haya bo den un sombra scur. Pero bo ta fuertemente para den bo posesion, como cu bo ta logra di combina bo trabou cu placer. No ser desapunta si un di bo proyectonan no logra e exito cu bo a spera. Bo famianan pa bo ta hunga un parti principal den bo bida e luna aki. (09-43-66-72)

SCORPIO

23 October - 21 November

Bo ta ricibiendo un admiracion cubri cu

cariño pa e manera cu bo ta expresa bo mes. Bo mester ta orgulloso pa esey, como cu no ta tur hende ta pertenece di un caracter asina domina pa telentonan valioso. Sinembargo, bo ta bai encontra bo mes den un descucion cu bo partner, cual lo toca bo e suerte di no ta bai converti su mes den algo serio. (07-28-67)

SAGITARIO

22 November - 22 December

E exito di bo trabou tin su garantia pa e manera sincero y fiel cu bo ta comportando bo mes. Bo ilusion pronto lo mira un luz na horizonte. Pero si, bo ta bai encontra bo mes den un descucion grandi cu bo partner, pa e manera inhusto cu bo ta tratando su pesona. Pero corda, cu tur problema pa serio cu e por ta, por ser resolve si boso yega na un bon comprendemento cu otro. Trata na haci bon uso di e consejo aki mas liher cu ta posible. No lubida, cu felicidad ta e cielo di bo alma. (15-73-74-93)

CAPRICORNIO

22 December - 19 Januari

Bo lo encontra bo mes den un esfera romantico, cu e partner nobo cu a drenta den bo bida. Trata si di tur manera, pa dedica atencion tambe na esnan mas yega na bo. E exito di e esfera cu bo partner lo sigui continua igual cu'n novela, cu lo haci bo corazon luci cu'n splendor di cariño. (14-23-67-81-98-07)

ACUARIO

20 Januari - 18 Februari


Como cu e streanan ta na bo favor, bo ta confronta bo mes den un persona cu puro suerte den tur sentido. Loke ta sperando riba bo e luna aki, lo satisfice bo riba tur tereno. E amor di bo partner pa bo, ta parce mas grandi cu nunca. Sinembargo trata na yuda esnan den necesidad cu ta conta cu bo ayudo. Tambe cu bo salud bo no ta bai tin nada di keha. Pero si, algun promesa cu bo a haci na otro, bo mester trata na cumpli cu esey. Haci uso di e oportunidad grandioso aki, pa goza cuanto cu por di bo bida, cariño y di e amor cu ta ser brinda na bo. (02-25-37-68)

PISCES

19 Februari - 20 Maart


Un carta lo yega den bo poder, cu algun amistad di bo, lo bin di vacacion for e pais na unda nan ta bibando. Percura pa financieramente, pa ora ta di e leu ey, pa bo por brinda nan un bon vacacion. Boso lo tin hopi recuerdonan di antes mes pa reviva cu tur sorto di deseo, pa e dianan ey di antes lo por bolbe atrobe. Tanto abo y bo partner lo drenta un conversacion serio cu otro, pa trata logra cumpli cu nan invitacion. Riba tereno di amor no tin ningun novedad pa bo persona. (22-31-80-91-93)

NOS BIEUWNAN TA CONTA



E INDIANNAN DEN GUERRA CONTRA E SPAÑONAN DURANTE SIGLO 16, NA UNDA E LAMAR ANTES TABATA JEGA, NA UNDA AWE TA SITUA "SHELL" SERO BLANCO

E brisa di e lamar tabata formando su frescura, na momento cu e indiannan consistiendo di e tribo di Shipao tabata disfruta nan mes bou di e sombranen fresco, cu tabata ser forma pa diferente palonan di kwihi. Aunque cu e hefe di e indiannan, Shipao tambe tabata divirti su mes pa e chistenan cu tabata ser conta, sinembargo su wowonan preto bou di su wenkbrauwnan y su cara tabata tin algo bruto cu su persona, aunque cu e tabata conoci entre su tribo, pa un homber cariñoso y con semper di un manera balente, e tabata tin e experencianan con pa dirigi su tribo, di un mihor forma cu tabata posible. Durante e harimentonan cu tabata tumando lugar, diripiente e cara di Shipao a cambia pa un seriedad.



Autor: MARIO KOOLMAN
Compila pa: Theolindo Lopez


E hefe di e indiannan, Shipao, a duna e señal na su tribo, cu nan mester cumenza mas liher cu tabata posible pa prepara nan mes. Tabata tin un peligro cu tabata asercando

nan tribo, y cu lo bai bin un dramamento di sanger. For di leu Shipao y su indiannan por a mira, con un barco tabata navegando den nan direccion. Algun di e indiannan a cumenza bati riba algun palo hol, pa manda nan mensahe na e otro indiannan, cu ainda tabata den e mondinan. Despues di esey e indiannan a cumenza pinta nan cara cu klei mengua cu diferente sorto di foyonan y flornan. E lamar durante e siglo ey tabata yega ta na unda cu e Shell di Sero Blanco actualmente ta situa.

Cu caranan serio y cu rimpelnan profundo riba nan frenta, nan a cumenza trata pa haya tur nan cabritonan den nan cura, traha cu

piedranan riba otro den forma di un transhi.

"Compañeronan di mi tribo," Shipao a tuma palabra, "nos no ta bai tin mucho tempo pa perde, nos ta ser aserca pa peligro. Nos mester bai cumpli atrobe pa di tanto vez, cu nos deber como indiannan balente, pa nos no ser derota. Kico ta sperando riba nos, esey ainda por lo pronto lo keda un pregunta. No lubida, cu no ta pa promer vez, cu nos lo bai ser trata manera animalnan of cu hopi di nos atrobe lo ser mata. Talvez mayan, hopi di nos no ta ariba e baranca aki mas, pero esey no tin e nificacion, cu nos mester bira intranquil. Nos lo lucha y batalla pa nos naturaleza,



E lamar hopi siglo atras tabata yega te unda cu e pomp di gasoline 'SHELL' awor na Sero Blanco ta situa.

baranca y pa nos libertad como indiannan cu no mester conoce e palabra derota. E muhernan y e muchanan ta ser consehable pa nan keda den nan hut, y laga e batalla completamente pa nos como indiannan homber!" Despues di e palabranan ey, e hefe Shipao a duna e señal cu su man, pa e indiannan bai prepara nan mes pa e guerra cu tabata asercando. Shipao a tuma despedida di Karoepa kende tabata su compañera di bida, cu kende e tin un yiu homber y un yiu muher ya grandi caba. Despues cu tur e indiannan homber a tuma despedida di nan compañera di bida, un y tur tabata deseando otro tur clase di suerte. E indiannan masculino no a perde mucho di nan tempo valioso, y nan tur casi a subi den e palonan di kwihi, cu nan flechanan prepara pa mata e homber blanconan, cu tabata den

nan barco riba lamar. Varios guerra caba, nan a yega di gana for di e palonan di kwihi cu nan flechanan bon prepara.

For di leu, nan por a mira e bandera di e barco, cu e tabata pertenece na e spañonan. Pero e dia a sigui crece y e anochi a habri su cortina riba e baranca Aruba. Pero nada no a tuma lugar. E tabata un anochi scur, y Shipao tabata desea cu aunque tabata e streanan for di cielo, por a manda un poco mas claridad. Shipao durante e anochi ey tabata haya falta di e candela, na unda nan tribo tabata sinta pa cambia experiencia cu otro. E tabata sinti con ora pa ora e tabata birando mas agresivo. Su wowonan cubri cu sorto di panico for di e palo di kwihi, tabata tratando pa capta tur loque tabata pasando. Ta ki dia enverdad, nan como indian lo ser laga den un paz completo? Shipao

na e momento ey no por a logra kita su pensamiento di Karoepa, su compañera di bida, un muher indian bunita, cu stimacion grandi pa su dos yiunan. E tabata pertenece di e deseo na e momento ey, pa hunto nan por tabata den compania di otro. E tabata un muher indian, cu tabata pertenece di tur e temperamento necesario, pa por a cubri su bida den e forma cu un indian mester.

Na momento cu Shipao por a tende un cantamento di un gay sigui pa mas, e por a compronde cu un dia nobo tabata habriendo. E tabata tin e sentimento, cu esnan riba e barco mester tabata haci un sorto di bofon di nan tribo; pero cu e peligro tabata keda existi. Shipao por a sinti con su sanger tabata herbiendo den su cabez.

Na momento cu e solo a cumenza manda un poco di su claridad, Shipao pa medio di un fluitmento, a duna e señal na su indiannan, cu nan tin e libertad pa por baha for di e palonan.

Pa un rato nan a discuti cu otro, kico por tabata e motibo cu e spañonan no a trata pa atacanan. Despues di esey un y tur a bai pa nan hutnan atrobe. No a dura mucho, cu Shipao a resona un grito di indian como aviso di urgencia. Den un forma hopi liher, tur e indiannan tanto homber y muher cubri cu panico, a uni hunto bou di e palonan di kwihi.

Despues cu Shipao a grawata riba su cabez cu'n voz skerpi y odioso a bisa e siguiente den direccion di



VOZ DI ARUBA
1320AM

"NOS MAINTA"

7:30 - 9:00

cu

JUAN CARLOS



ONDERLINGE HULP U.A. SEGURO DI ENTIERRO

Entierro segura ariba un base index

E pakete lo bay contene:

- * Agencia Funeral
- * Transporte di e defunto pa e cas mortuorio of hospitaal
- * Gastonan di vrieskamer te na un maximo di f. 270,--
- * Drechamento di defunto
- * Anuncio den corant te na un maximo di f. 80,--
- * Anuncio na radio y T.V.
- * Caha di morto na un model acostumbra serca Onderlinge Hulp
- * Materiaalnan di rouw
- * Misa o casa mortuorio
- * Auto di morto pa santana
- * Kelder te na un maximo di f 700,--
- * Metsla
- * Fotoreportage te na un maximo di f. 150,--
- * Agradecimento den corant despues di entierro.

Guyabastraat 12, Tel.: 824427/Fax: 827011

e indiannan.

"Mi ta den un ansha mortal," Shipao a bisa cu'n voz temblando. "Mi a encontra mi compañera di bida mara cu'n paña den su boca y tambe su dos mannan y su pianan tabata mara na otro. Despues cu mi a los Karoepa, e la conta mi, cu dos homber blanco inespera a drenta den e cuarto, y cu nan a bai cu mi yiu homber y tambe mi yiu muher. Mi kier haci e peticion na boso, pa mas pronto cu ta posible,

pa nos tur hunto, sali en busca di mi dos yiuonan."

Tan pronto cu e hefe di e indiannan, Shipao, a termina di loque e tabata tin na su corazon, e indiannan mesora a sali bou di gritonan di protesta pa diferente lugar pa busca e yiuonan di Shipao.

Un di e indiannan cu tabata su so, diripiente a stop di dal su pasonan, ora cu di un distancia no mucho leu, e por a tende un kehamento di

un muher indian. Despues mas liher cu e tabata por e la bai den direccion di unda e kehamento tabata ser produci.

Na momento cu e joven indian a yega eynan, e no por a kere loque cu e tabata mirando. Ni den su mal soñonan, nunca no a yega di aparece un imagen asina penoso. Abou den e yervanan, e yiu muher di Shipao tabata mara cu su mannan y pianan, den su boca e tabata tin un prop di paña, pa e por a evita cualquier gritamento. Y eynan mes serca, e por a mira e yiu homber di Shipao mara na un palo seco, y tambe cu un prop di paña den su boca. Mas liher cu e tabata por, e la core bai duna su ayudo, mientras cu e la resona un grito di indian como aviso. A resulta cu un spaño a comete abuso sexual cu e yiu muher di Shipao, mientras cu e ruman homber di e mucha muher indian, a ser obliga pa mira, con e spaño tabata disfruta di e curpa di su ruman muher. Den e tribo e dia ey tabata tin un solo comentario, cu e proximo vez, nan lo bai usa un otro tecnico, pa caba cu nan enemigonan pa eternidad. Varios di e muher indiannan tabata yora di verguenza, pa e escandalo cu a ser comete na yiu muher di Shipao. Y no tabata existi e momento ey ningun yerva, cu por a funciona como calmante pa por a suavizanan. Tabata parce cu e bandidonan blanco tabata hembra tambe, como cu nan a bai cu hasta algun carni di cabrito, cu a ser getosti riba piedranan. Shipao a tuma palabra bisando e siguiente na su tribo: "Atrobe nos a ser roba di nos libertad. Pero bosonan por kere mi palabra como boso hefe, cu e libertad lo regresa serca nos liher atrobe. Nos lo venga pa e crueldad cu nan a causa nos. Pa nan e palabra pordon no ta existi! Nan mester a yega di bishita nos tribo caba den pasado, pa por tabata tin e experiencia di nos

LOPEZ SAND & STONES

TA BENDE

SANTO

PIEDRA

GRANIET

CALIDAD UNICO

TEL.: 858448 - 856423



techniconan. Ta tristo pa bisa esaki, pero inocentemente nos a comete un bobedad!"

E solo tabata bahando den horizonte. E indiannan na e momento ey tabata baliando rond di un candela, riba cual algun carni di cabrito tabata tostando. E holor di e carni di cabrito cu tabata ser gerooster, tabata ser carga pa e biento te leu riba e lamar blau. Despues ora cu e solo tabata casi bahando y tabata duna su ultimo claridad como despedida, e indiannan bou di gritamento y bailando a aleha nan mes for di nan lugar costumbra. E indiannan a cuminza cu funcionamiento di nan plan recientemente naci. Nan no kier a keda cu e verguenza cu nan a haya nan mes confronta. Na momento cu ya e solo a bai sosega den horizonte, a cuminza reina un securidad casi completo. Mas despues cu e indiannan a yega leu den e mondinan di Aruba, Shipao a tuma palabra y a bisa e indiannan di su tribo lo siguiente: "Enverdad, actualmente nos ta ser compaña pa un cansancio terrible, laga nos tur percura pa nos por drumi mas mihor cu ta posible, pa mayan nos curpa ta bon sosega. Ora cu e dia nobo habri y duna nos su saludo cu su rayonan bunita, nos mester ta completamente descanza, pa e guerra contra e spañonan. Nos lo bai percura pa e hendenan blanco, siña pa respeta e ley di nos indiannan." E indiannan tabata lanta un tras di otro, na momento cu e gaynan di mondi a anuncia cu tabata marduga, y cu pronto e cortina lo habri pa e solo por brilla ariba Aruba. Un pa un, e indianan tabata despierta y a cuminza combersa y discuti cu otro, di e forma con nan lo bai tuma venganza riba e spañonan. Nan lo bai batalla di wowo pa wowo, di diente pa diente y di sanger pa sanger. Na momento cu e solo

THE DIAMOND CHANNEL Radio Caruso Booy



**Cu orguyo i honor
ta presenta
e cantante
LA REINA
DE LAS CANCIONES
MEXICANA
VIVIAN KOCK
cu su
programa
MUSICA MEXICANA
Sintonize di
dialuna pa diavieerne
di 2'or pa 4.30 di atardi**

Tel.: 847752

tabata bastante haltu, e indiannan a dicidi pa bai atrobe na unda nan tabata bibando. Riba nan cara solamente tabata por a ser mira e seriedad y e odio cu tabata ocupanan.

Na momento cu nan a yega serca di nan lugar, nan por a mira un cantidad di spañonan di diferente distancia di otro, benta abou den yerva, tambe nan por a tende con algun di nan tabata grita di dolor. Bou di gritonan di indian, nan a duna otro di compronde cu nan planificacion a logra triunfa grandiosamente. Bou di gritamento di victoria, nan a aserca e spañonan tira den e yervanan. Algun di nan ya tabata den nan ultimo rosea. Varios di e spañonan cu no a ricibi ningun sorto di daño, por a logra di landa pa nan barco. Pero hopi di nan a fracasa den nan huymento. Nan a ser bora cu flecha y lanza. Un atmosfera cruel a cuminza reina riba e tereno di batalla. E furiosidad di e indiannan no tabata conoce frontera. Nan a cuminza staca esnan

kehando den e yervanan cu lanza y otro a ser bora cu flechanan. E holornan di e sangernan tabata formando un holor inagradable pa e indiannan.

E ley di e indiannan a ser cumpli. "Ban mira," Shipao a grita cu'n voz odioso, "ser fuerte! E blanconan ey no tin ningun balor, ni pa tiranan den laman. Nan tur ta imbecilnan idiota!"

Diripiente e voz di Shipao a ser interumpi, na momento cu un di e indiannan a grita, cu e la mira e homber blanco cu a comete abuso sexual cu yiu muher di Shipao, tabata huyendo. Shipao a comanda, pa trata di gara e homber ey, como cu e merece su castigo. Na e mesun momento ey tambe, Shipao por a mira un otro di e hombernan blanco cu tabata coriendo pa su bida. Pero riba comando di Shipao, e tambe a ser gara.

Un poco despues, nan tur dos a ser lastra pa e indiannan, den direccion di un palo di kwihi seco. Un poco

CANAL 90

FM STEREO
ARUBA'S SUPER STATION

E PROME F.M. NA ARUBA Y ANTILLAS HULANDES

despues ya nan tabata mara na e palo di kwihi seco. E muher indiannan a haya e ordo di Shipao, pa suta e homber blanco abusador cu takinan seco, mientras cu e otro spaño a ser obliga, pa keda mira con e abusador tabata ser tortura. E spaño cu tabata ser suta tabata lanza gritonan di dolor.

"Ban mira," Shipao tabata grita, "percura pa e heridanan ser bon habri, pa nan por ser cayenta pa e solo. Esey ta bon pa nan deseo sexual. Ademá esey lo laga su sanger circula mas cayente ainda, p'asina e por goza mas mihor ainda di un curpa di hende muher!"

Despues cu Shipao a haya cu e homber ya a haya bastante sota, e la duna su permiso pa no lage na bida. Un poco despues Shipao a duna ordo pa kap su cabez afor.

Nan a lora e homber sin bida, den varios cueronan di cabrito cu su cabez den su braza, y a laga e otro spaño mara na e palo. Durante

anochi, Shipao a laganan los e spaño for di e palo, kende tabata totalmente cansa y for di rosea. E mesun anochi ey, varios indian den oranan laat, a landa di un forma inteligencia pa nan no ser describri, cu e dos hombernan direccion pa e barco spaño. Ora cu e indiannan a alcanza e barco, nan a pone e homber spaño bibo kende tabata bon mara y cu paña den su boca, y e otro homber cu su cabez teni bou di su braza riba bordo di e barco.

E anochi ey, e indiannan tabata di fiesta y nan tur hunto, cu menos di un par, como cu nan no a logra sobrevivier di e batalla, pa nan por a celebra nan victoria.

A pasa dianan, simannan, lunanan y algun añanan, na momento cu Shipao a bira malo, y por ultimo e la sera su wowonan pa no habrinan hamas. E hefe di e indiannan a ser dera den un urna hunto cu su cuchui, cual tabata su obheto

preferi. Despues cu Shipao a haya su ultimo lugar di sosiego, e indiannan bou di e palonan di kwihi, a recorda e guerra contra e spañonan, cual a ser bon dirigi pa Shipao. Tambe nan tabata conta cu tur nan atencion, con Shipao a logra haya e idea pa triunfa for di e spañonan. Tur esey a cuminza na momento cu nan a logra haya nan cachonan morto y otro sacando scuma for di nan boca. Nan a ser venena cu carninan dañá cu veneno hunta riba nan. Y na momento cu e spañonan, prome cu nan a bai cu Shipao su yiu muher y yiu homber, nan a dicidi ainda pa come for di e restantenan di e cumindanan, consistiendo di carni di cabrito pa saborea nan barica. E carninan dañá y cu veneno riba nan, cu e spañonan a tira pa e cachonan, tur eseynan a duna Shipao di compronde, cu e spañonan tabata buscando algo di horta pa nan por come. Pero e spañonan no por a sospecha, cu e carninan cu e indiannan a laga atras, tabata carninan venena. Tur e restante di e carninan gerooster, a ser hunta cu yerva stinki biña. Un veneno sumamente venenoso cu a logra su efecto. E lugar na unda e guerra a tuma lugar ey a haya e nomber di Shipao cu tur honor.

Nos bieunan tocante e lugar na unda e indiannan a logra triunfa di e spañonan a conta, cu lamentablemente e no a keda cu e nomber ey. E spañonan despues a yama e costa ey, Playa, cual seguramente lo tabata tin algo di haci cu e strand di e laman.



Escriban a:
LUZ DE LA VERDAD
APARTADO 66286
LA PLAYA,
MEDELLIN COLOMBIA

**Te encuentras desorientada?
confundida, y deseas ayuda?
escribanos, cuente su problema.**
**A vuelta de correo, recibira
un buen consejo, y adjunto a el
le obsequiamos un artículo del
DIVINO NIÑO con su oración.**
**Caballero, usted tambien, haga lo
mismo, colóque, iniciales y su
dirección, y séan muy sinceros.**
Es un favor, que hacemos gratis.
**somos devotos, de este Niño que
hace maravillosos milagros.**
El amigo que nunca falla.
**Muestrame a la gente, y te
mostrare ante mi padre.**

AMOR Y SANGER



E banda musical consistiendo di cinco musico tabata den nan pleno actuacion, resonando na e momento ey un di e cancionnan cu tabata gozando di un inmenso popularidad na Toronto, Canada. E luznan consistiendo di diferente color tabata dunando e toque necesario cu un nightclub mester. E nightclub no tabata consisti di bastante bishitante e anochi ey. Tabata riba un diamars anochi, y hopi di e clientenan a prefera di keda nan cas, pa relaha di e siman cansancio cu tabata tras di lomba. Un pareha cu tambe tabata disfrutando di e melodianan di e banda musical riba e pista di baile tabata e pareha joven, Sally Fahy di 22 año y su amigo nobo cu e la encontra e anochi ey den e nightclub, Donait Kunts di 24 año di edad. E marduga ya a tuma su espacio, na momento cu Sally y Donait brasa di un forma romantico cu otro, a bandona e nightclub. Sally tabata sinti su mes orgulloso y sumamente feliz cu e joven, cual e anochi ey a logra roba su corazon.

Hunto nan dos despues den e apartamento di Sally tabata saboreando nan garganta cu cerveznan bon frieu, y tambe for di algun di e snacksnan cu a ser sirbi pa Sally. Riba nan cara tabata lesable e alegria cu tabata cubri nan dos. Te cu na cierto momento, cu Sally a bisa e siguiente na su amigo nobo. "Tende, awor si, mi ta keriendo cu nos fiesta a yega na su final. Mi no tin mas cerveza den cas."


Donait a keda mira pa un momento riba e botternan di cerveza bashi y

despues a bisa: "Pero mi amor, esey no ta forma ningun problema, si e cerveznan a caba. Cervez ta algo cu solamente ta un parti di publicidad pa un festividad, y pa nada otro mas!"

Na e momento ey un mirada frieu a aparece den e wowonan di Donait. Sally por a ripara cu e miradanan di Donait tabata dirigi riba su persona. Tabata mescos cu e miradanan ey, a bora un buraco na un banda di su cara. Despues Sally a lanta for di su stoel y a pidi su dispensacion na Donait, pa e por

bai tuma un baño fresco. Un poco despues diferente straalnan di e douche tabata cayendo riba e curpa di Sally menqua cu habon y shampo. E la tuma tur su tempo pa su cabeinan por ser bon laba y spula. Su cabeinan blond manera olanan suave a keda rond di su garganta y riba su schouderman.

Despues cu Sally a termina, e la sali for di e baño y e la bai direccion pa un kashi di paña, pa trata na escohe un japon di mas sexy cu e por ta tin pa e bisti e anochi ey.



"RADIO CARUSO BOOI FM"

E emisora cu ta consisti di e mihor programacionnan di Radio; tanto ariba tereno musical y otro programanan pa bo keda bon informa

THE DIAMOND CHANNEL

TEL: 847752

Tabata tin varios di nan cu tabata apropiado pa e anochi ey, cu e tabata considera como algo special. E kier pa e por tabata bisti di un manera cu su curpa por luci mas perfecto cu tabata posible. Su deseo ta, pa e por logra hala e atencion necesario di su amigo nobo, Donait. Mihor bisa, un japon cu hasta por logra produci palabranan directo den direccion di e corazon di Donait. Sally su deseo ta, pa e por brinda tur e calor necesario di su curpa, na e joven cu e tabata tin di bishita den su apartamento. Di ningun manera, Sally, no kier ser considera como

un mucha muher fracasa dilanti di Donait. E kier pa su plan durante e marduga ey resulta den un exito completo. Pa un rato Sally a caricia un di su pechonan y a bisa den su mes e siguiente: "Awe marduga, mi lo percura pa bo por logra di ser caricia di un manera especial, cu tur clase di experiencia cu por existi. Y bo por kere cu mi lo percura pa esey tuma lugar, cu hasta mi lo yora di pasion y clemencia. Mi lo percura pa te den fondo mi por diverti mi mes, te na momento cu mi tin cu sclama pa piedad." Prome cu Sally a sali for di su camber pa e bai serca su amigo nobo, e la tira

un ultimo mirada den e spiel. E la sinti su mes orgulloso pa su pechonan bon yena y forma cu tabata luci nan mes bou di su japon fini y sexy

Donait no por a domina su tentacion, na momento cu e por a admira, con bunita e curpa di Sally tabata luci den e japon sexy cu e tabata tin bisti na su curpa. "Sally," Donait a bisa, "manera mi por mira bo ey, mi corazon tin un solo palabra pa bo, y esey ta, cu bo no ta un mucha muher cu ta pertenece den e mundo aki, pero bo lugar adecuado ta pertenece den universo. Bo por kere loque mi ta expresando na bo, pero bo ta luci mes bunita cu cualquier di e streanan cu ta brillando na cielo." Na e momento ey tambe, Donait, a lanta for di su stoel y kier a tuma despedida di Sally. Pero Donait no a yega di e leu ey, pa tuma despedida di e mucha muher cu a pone su curpa completo den candela.


"Un momento Donait," Sally cu'n voz sexy a bisa, "bo no mester trata mes pa tuma despedida. E palabranan cu bo a murmura den mi horea riba e pista di baile, tabata asina romantico, cu bo a laga mi realiza, cu ainda mi no ta den e mundo di soledad, pero cu ainda ta existi un joven, cu a regala e calor necesario cu tanto mi tin su necesidad, pa mi alma por tin un compañero, pa un dia mi por ta uni cu bo alma pa eternidad."

Na e momento ey, cu e palabranan di Sally a resona asina romantica, Donait mester a trata pa lucha contra su propio persona, pa su alma y corazon por keda calma y tranquil, pa e tentacion cu e la encontra su mes aden.

Despues cu permiso di Sally, Donait por a haci uso di e baño pa fresca su mes cu habon y shampo, combina cu e awa cu tabata

SANTA CRUZ RUMSHOP

Sta Cruz 14B - Tel: 828118



Nos tin
tambe
cervez
na caha

cayendo cu tur su frescura riba su curpa. Despues di a seca su curpa, Donait a bandona e baño, y a laga su mes cai den e brazanan di Sally cu tabata drumiendo riba e sofa, sperando riba su persona. E wowonan di Donait casi tabata saliendo for di nan lugar, pa e belleza cu e tabata admirando cu'n deseo fuerte. Pero Donait sa, cu e por a haci uso di e curpa di Sally, como cu e la haya e derecho exclusivo di e mucha muher tentativa ey. Donait a preta su mes cuanto cu e tabata por, contra e curpa sexy di Sally. Sally pa su persona a resulta di tabata un tesoro completo. Donait na e momento ey a sinti su mes, igual cu e tabata ser lastra pa olanan grandi di pasion. E tabata provecha, pa goza cuanto cu e tabata por di e curpa bon forma di Sally seconde pa seconde. Donait tabata sinti su mes, cu e tabata tin tur su razon, pa goza cuanto cu e por pa tur loque cu Sally por a brinda su persona, como cu e sa cu e mundo ta hopi corto mes di duracion.

Sally mes tabata tin e imaginacion, cu por fin su corazon a encontra e amor real, pa cual hopi tempo caba e tabata en busca di esey. Diripiente Donait a kibra e tempo di e gozo di amor bisando e siguiente: "Sally, mi deseo pa alcanza mi deseo final, ta consisti mas cu haci solamente amor. Pa amusa mi mes mas mihor, mi ta gusta pa bebe aunque ta un poco di sanger, di e mucha muher cu mi ta adora. Sally, bo ta permiti mi esey, pa bebe un poco sanger di bo, p'asina prueba cu bo tin un berdadero amor pa mi?"

Sally den promer instancia, no por a kere su mes pa e peticion cu Donait a haci na su persona. Pero Sally su stimacion pa e joven ey tabata algo grandioso, y e la dicidi pa duna Donait su aprobacion.



**Distingui
bo mes
humando**

**Nevada
Superior Tobacco
Co.
Oranjestad
Aruba**

Sinembargo, Sally por a sinti con su corazon a resona cuatro vez mas di loque tabata normal, na momento cu Donait for di un stoel banda di e cama, a pasa man pa su carson y despues a saca un cuchui chiquito afor. Prome cu Sally por a realiza su mes bon, den kico e lo bai encontra su mes ya tabata laat. Donait a tene su pols di un forma bon duro, y cu e cuchui chiquito, e la traha un herida na man di Sally.

E mucha muher ey a spanta y a drenta den un panico. E kier a lanta for di su cama, y trata pa

desaparece mas liher cu tabata posible for di Donait. Pero no tabata posible mas. Donait a tene su pols mas duro cu e tabata por, y a cuminza chupa su sanger for di e corta cu a ser causa. "No. . . No, por fabor stop di haci esey Donait," Sally a grita cu'n voz cubri cu ansha. Despues Sally a logra los for di Donait, y bou di gritamento, e la sali pafor di su apartamento pa busca ayudo. E la encontra cu tres di su amistadnan cu tambe tabata biba den e mesun edificio, den cual Sally su apartamento tabata situa. Un di su amistadnan a core bai averigua kico tabata pasando den e

**Sintoniza
'CHAPARITA ELVIRA LOPEZ'**

**Dialuna pa Diavierna
di 6'or a.m. - 7'or a.m.
*Sentimiento Mexicano***

**presenta pa
Chaparita
"TOP FM 95"
E emisora mas cayente cu e solo
TEL: 855555**



apartamento di Sally. E otro dos amigonan di Sally mientras tanto a yama un taxi, y a hiba Sally pa e hospital cu tabata kedando eymes serca. E docternan a tuma e decision pa avisa polis.

Sally a tuma e decision pa haci un demanda contra Donait, como cu e la hiba di pensamiento, cu tabata un herida chiquito, Donait tabata kier a marca cu su cuchui riba su man, p'asina e por haya un poco di su sanger pa chupa, pa e tambe por alcanza e final di su deseo amoroso.

James Bardon, e joven cu a keda atras pa bai tira un bista kico tabata pasando den e apartamento di Sally, a conta e siguiente den sala di corte: "Ora cu mi a drenta den e apartamento di Sally, mi a encontra e homber maniaco ey, ainda tabata chupando sangernan cu su lenga, cu tabata riba e mesa di glas. Nunca antes den mi bida mi a yega di mira algo asina horoso!"

Sally mes no a tende nada scondi di su aventura cu e la encontra su

mes aden pa e hueznan.

"Mi no a pensa nunca, cu mi lo ser corta pa e homber loco ey, cu'n herida asina grandi y hundo!"

Como cu ta Sally mes a duna su aprobacion pa e ser corta pa e joven cu a gana su corazon, Donait a ser declara liber for di tur acusacion.

Un persona cu conoce Donait pa algun aña caba, a conta lo siguiente na un miembro di Prensa: "Un vez cu mi tabata den un restaurant, un dama pa su mala suerte a dal su man na un glas kibra, for di e herida cu e la haya, mesora un cantidad di sanger a cuminsa spuit for di su man. Donait cu tambe tabata presente den e restaurant, mesora a core coi un glas limpi tras di e bar y a bisa e dama, cu ta mihor e laga su sangernan drama den e glas, p'asina e por evita di mors e tapijt. Despues cu e dama a laga su sanger drama den e glas, Donait a pidi despensa pa e bai flush e sanger den baño. Como cu mi tambe tabata den necesidad pa usa e baño, mi a

encontra cu'n sorpresa horrible, ora cu mi a encontra Donait tabata bebiendo e sanger for di e glas. Ora cu e la mira mi, e la lembe su lipnan, e la pidi despensa y a bandona tanto e baño y e restaurant."

Donait mes a conta e siguiente:

"Tin hende cu ta bebe whisky, otro rom of cualquier otro alcohol of liquor, pa nan por logra nan deseo, pa nan por haci amor di un mihor forma. Pero ami ta gusta sanger di ser humano pa mi por tin un gozo grandi haciendo amor. Y mi no ta mira nada malo den esey. Ademias, si Sally no kier mi mas den su bida, esey ta su asunto. Pero di un cos mi ta sigur, na unda cu ta, mi mester por logra encontra un mucha muher, cu si lo permiti mi, cu tur su cariño pa bebe su sanger. No tin ningun hende cu por prohibi mi, pa sigui cu bebemento di sanger humano. Mi lo keda bebe sanger te na mi morto y for di esey no tin ningun hende cu por stop mi!"



"FIESTA MEXICANO"
cu
"JULIENNE SCHWENGLER"



*cu mas di 20 aña
den e mundo di Ranchero
"RADIO 1270 AM
STEREO"
di Dialuna te cu Diasabra di
6:30 p.m. - 8:30 p.m.
Bo corazon lo yena cu
placer cu bo sintonia*

TEL: 845602

AIDS
TA MATA

Comishon Nacional
pa Prevencion di Aids Aruba
Aids Hotline tel: 823040/827352

YIUNAN DI ESTRANHERO LEGAL NA ARUBA TAMBE MERECE E CALOR HUMANO

Hulanda completo a subi caya riba 5 Mei 1940 pa celebra final di e segundo guerra mundial. Y e libertad ey nan kier keda mantene esey. Especial pa esnan cu tabata di e rasa hudiwnan a ser libra for di un fierno completo. Un cantidad di amistadnan y conocirnan a desaparece cu'n destinacion horrible. Nan no tabata conteni di ningun libertad for di e Alemanianan. E hudiwnan mester a entrega tur nan propiedad na e Alemannan. Nan no por a core mas den tram. Nan no por a core mas den auto. Nan tabata tin e permiso pa solamente entre tres'or y cinco'or pa por a haci nan compras, pero esey solamente den un tienda di hudiw, riba cual tienda mester tin e palabra "lokal pa hudiwnan. E Hudiwnan a ser descrimina di un manera increible. Mas tanto Hitler tabata esun cu mas tabata odia e hudiwnan. Nan tabata ser obliga pa cana cu'n strea geel riba nan paña cu e palabra hudiw inprenta ariba, pa di e forma ey nan por ser reconoci pa un y tur cu nan ta hudiw. Pero tambe na Aruba actualmente un descriminacion casi total a principia, pa e muchanan cu ta yiunan di e estranheronan cu a bin Aruba legalmente, pa yuda cu construccion di nos pais Aruba.

Pa cada vez cu un di e malhechornan estranhero legal of ilegal comete algo di mal intencion, dedenan na school ta ser apunta riba e pover muchanan estranhero, cu ta nan paisano a comete algo pa di tanto vez atrobe. Algo malo

contra e ley di Aruba. Nan tin cu biba obligatoriamente pa tende casi diariamente, cu e problemanan cu ta surtiendo na Aruba, por ser resolve solamente, si nan mester saca tur e estranheronan for di Aruba. Den un forma ainda suave, nan ta cargando un sorto di strea invisible cu nan, pa cual nan ta sinti nan mes completamente, cu nan ta un sorto di strobacion pa e otro muchanan cu ta bayendo e mesun school cu nan. Hasta hopi di nan, no por siña bon mas na e school cu nan ta bishitando.

Tabata algo hopi tristo, sintonizando un di nos Radio Emisoranan, pa por a tende con un mama estranhero casi yorando, a duna un splicacion, pa e tipo di discriminacion, cu tanto nan como mayornan y mas tanto ainda nan yiunan cu ta bayendo school, ta sufriendo pa e causa aki. Un sufrimento inhumano. Asina nos por a scucha un mama

selamando lo siguiente di su yiu cu a caba di regresa for di school: "Mama, pakico mi ta un estranhero? Na school tur ora nan ta punta dede riba mi, bisando cu atrobe boso cu ta estranhero, a haci algo malo. "Mama, mi no kier ta un estranhero mas. Mi kier ta un Arubiano mescos cu e otro muchanan. Cu e palabranan di e criatura inocente, cu ta legal na Aruba cu su mayornan, y ta sinti su mes culpable, pa loque e estranheronan consistiendo di mal intencion ta haciendo y causando daño na Aruba. E palabra estranhero a bira algo venenoso pa e criaturanan legal inocente. Nan ta muchanan inocente, cu ta haya nan mes obligatoriamente pa cana cu'n mancha scur riba nan lomba. Un mancha cu ta forma un dolor casi invisible, pero cu si ta causando un daño grave pa nan bida.

"RADIO GALACTICA"



99.9

GALACTICA

**Cosmico e mihor zonido
y
mas potencia
y
mucho mas musica
E diferencia den radio**

GALACTICA F.M.

99.9 Mhz.

Nos no mester lubida, cu discriminacion su raiznan por yega un dia hasta na racismo. Y si esaki mester tuma lugar, anto si nos como arubianonan, ta den un peligro di gravedad.

Ta nos deber como un bon Arubiano, pa acepta esnan legal riba nos pais, cu tur nos stimacion y amor.

A bira tempo pa nos admiti, cu nos ta completamente riba e caminda di error y cu nos mester siña respeta e ley di derecho humano.

Ta nos como Arubiano, tin e obligacion necesario pa duna esnan legal na Aruba, e empuhe necesario, pa mayan den futuro, si nan mester haya e oportunidad pa cambia pa e nacionalidad Arubiano pa nan tambe por sinti nan mes na cas. Nan tambe e ora ey tin e deber, pa sinti nan mes, igual cu ta den un castillo di marmer nan ta bibando, y no den un pais na unda ta reina discriminacion. Ban regala nan e calor humano necesario, pa nan tambe tin un strea na cielo, pa por brindanan e claridad necesario, pa nan tambe tin un bida feliz. Nan tambe mescos cu nos, merece di hiba un bida sano y feliz. Sin nos

stimacion hamas esnan legalmente na Aruba por ser provechoso pa nos pais Aruba.

E muchanan inocente estranhero legal na Aruba, no mester biba cu e pensamiento, cu cada vez cu un tragedia fatal tuma lugar na Aruba, cu nan mester ser obliga pa biba cu e culpabilidad den nan corazon.

Actualmente hopi di nan na school ta ser hala un banda pa e otro muchanan. Nan lesnan na school casi no ta productivo mas.


Pero nos muchanan Arubiano, no ta tur tampoco, ta den e proceso di un santo. Casi diariamente nos por lesa den nos medionan di prensa, di escenanan menos bunita. Pero como cu nan ta Arubiano, nan no ta alcanza nos wowonan manera debe ser. Ta un deber sagrado, cu e criaturanan y nan mayornan estranhero legalmente na Aruba, tin e deber pa nan keda funciona cu e ritmo normal di tur dia. Nan no por drenta den un trauma, pa motibo di e malhechornan cu ta abusando di nos pais Aruba. Nan no mester ser obliga pa keda biba cu cicatriznan pa eternidad.

Maldadnan comete pa cadena di

crimen organiza, ya a bira un palabra di moda na Aruba. Esey nos no por libra for di esaki facilmente, aunque cu cuanto polis cu a ser busca for di hulanda. Mientras cu e robonan grandi cu a ser cometi na varios di nos establecimiento y cu te awe no a ser solucionada, no tin ningun persona cu por kita e opinion aki for di mi persona, cu mester ta existi un of mas cadena di crimen organiza cu ta operando na Aruba.

Pa e motibo aki lo ta algo hopi valioso, pa tur esnan cu tin Aruba na nan corazon, por avisa polis pa cualquier movimiento sospechoso cu nan por descubri. Tur estranhero legal aki na Aruba, ban uni hunto di un forma balente, y no di cobardia. Cumpliendo cu esaki, mayan den futuro, nos lo por biba cu tur sinceridad den un Aruba, cu enverdad merece e nomber di Paraiso feliz. Pasobra no tin nada mas grandioso pa nos por construi e simbolo di Aruba y conhuntamente cu otro, nos por resona nos voz, cantando e Himno di Aruba, pa despues cu'n voz fuertisimo nos tur hunto por grita: "Biba Aruba!"

Bunita palabra tur ofon,



V. LEEUWENHOEKSTR. #26 PHONE: 828852
FAX: 838174

DRUKKERIJ

Interprint

MAGAZINES
BOOKS
BUSINESS
CARDS
LETTERHEADS
ENVELOPES
CALENDARS
BROCHURES
FORMS

E Amor cu A Nace Inespera **E AMOR CU A NACE INESPERA**

"Boso a dal stapnan grandi y a hura otro stimacion pa eternidad. Hunto boso por corta e bolo matrimonial, pa nos por saborea esaki cu'n kelki di champagne riba un futuro exelente matrimonial. Boso merece esey. Awa anochi boso por drumi tranquilmente como esposo y esposa. Boso bida awor lo ta cubri cu romance. Esakinan tabata e palabranan bon dirigi pa un bon deseo pa Karl Maarsden di 77 aña di edad y su señora joven Eva Theresa di solamente 22 aña, expresa pa ruman homber di Karl Maarsden, John di 65 aña di edad.



Tabata un dia den un parque na Paris-Francia, ora cu e verano tabata completando su naturaleza cu e solo cu tabata brillando demasiado fuerte y Eva kende tabata tumando un baño di solo tabata completamente bruin. E solo a logra cumpli cu su trabou. Karl na e momento ey, no mucho leu for di Eva tabata saboreando un cervex bon frieu pa refresca su garganta, ora cu diripiente e la ser aserca pa Eva. E tabata tin un blusa blanco bisti, na cual e dos botonnan di mas ariba tabata habri, cu casi su dos pechonan bon forma y sexy, por expresa algun palabra di tentacion. Un jeans preta tabata completa e belleza sexy di su curpa. Un belleza cu por embellece cualquier speranza. Cu'n sonrisa cariñoso, Eva yegando serca di Karl a puntra lo siguiente: "Bo por ta asina amable pa brinda mi un sigaria?"

Un poco despues Eva tabata sacando e promer humananan for di e sigaria, pa medio di su boca consistiendo di lipnan bunita.

"Despensa mi, pero bo ta bibando leu for di e parque aki?" Eva cariñosamente a dirigi su mes na Karl. "Si, na Bolqia," Karl a contesta. Eva cu Karl durante e verano completo a keda encontra cu otro, den e parque cubri cu palonan halto y yena cu hopi flor di diferente color. Algun vez nan tabata haci paseonan y tambe nan tabata bishita e mihor restaurantnan cu Paris conoce. Eva a bin haya sa, cu Karl tabata un homber soltero. Entre nan dos a nace un romance cubri cu calor. Riba un dia, cu nan dos hunto tabata sinta ariba un banki, na momento cu Karl a pasa su man den e cabeynan bunita y liso di Eva y a puntra lo siguiente: "Eva, mi por haya bo permiso necesario, pa por habri bo blusa pa admira bo pechonan bunita y tentativa?"

"Si," Eva a contesta, "mi no ta mira ningun motibo pa nenga bo, si esey ta un di bo deseonan."

Un poco rato despues cu Karl a los e blusa completo di Eva, e la cuminza caricia e pechonan chiquito di Eva y a pone algun sunchi riba nan. Karl tabata kier a bai mas leu ainda cu su caricianan dirigi na Eva. Pero Eva a prohibi

Karl bisando e siguiente na su persona: "No, no bai mas leu cu bo caricianan, aunque cu nan ta causando un sensacion dushi pa mi curpa. Bo por kere mi, Karl. Mi a realiza cu bo a costumbra cu mi, y cu bo ta stima mi eternamente, Y mi tampoco no por mas sin bo den e mundo aki, Karl. Pero pa bo bai asina leu cu mi, sinembargo mi ta di opinion, pa bo ser mi esposo promer, y despues como un muher casa, e ora ey si mi por brinda bo tur loque bo ta desea di mi persona, como bo señora."

Mientras tanto, Eva a kita e mannan di Karl for di su curpa y a cuminza botona su blusa atrobe. Na e momento ey tabata igual cu su pechonan bon firme tabata den un sorto di lucha contra e botonnan, pa por a logra nan libertad atrobe.

"Pero . . . Pero, Eva, mi edad ta mucho halto pa mi por ser bo esposo."

"Ai, pero pakico pensa asina, si mi persona ta gusta un homber di edad halto, como bo tin sigur mas experiencia, cu uno di edad joven, pa brinda loque mi curpa tanto ta aleha pa esey. Ademas un homber di edad semper lo ta den mi compania na cas. Como cu un homber mas halto su edad ta, mas menos e lo sali for di cas, pa busca diverticion serca otro muhernan.

Ademas mi por considera, un homber di edad tanto como un bon esposo y un bon tata," Eva a bisa cu su wowonan bunita dirigi riba e homber cu tanto ta adora su persona. "Tambe ta asina, cu un homber di edad semper ta consisti di experencia locual ta trata di sex. Bo por compronde mi motibonan awor, pakico mi kier bo persona como mi esposo?"

Asina e romance di e homber cu tin su propio negoshi di industrial, Karl y Eva a bin haya nan bendicion riba altar. Riba e promer anochi despues cu tur e invitadonan a despedi, Karl di un manera mas romantico cu e tabata por, a drenta den e mundo di amor cu su esposa joven. Tabata un anochi pa Karl, den cual e por a disfruta for di tur e dulzuranan cu Eva tabata pertenece. Pero e di dos anochi como un pareha casa, a bin un cambio den esey. Karl tabata kier a bai cama atrobe cu Eva, ora cu su señora joven inespera di un manera falso a saca su huñanan.

"Karl, mi stimacion pa bo ta consisti di un stimacion berdadero y yen di amor. Pero esaki no tin e nificacion si, cu mi mester drumi riba mi lomba ki ora cu bo ta haya cu ta bon!" "Kico bo kier meen cu e palabranan ey?" Karl asombra a dirigi su mes na Eva. "Tende," Eva a contesta, "bo mes por a ripara, cu mi ta pertenece di un curpa unico. Y si bo kier haci uso di mi curpa, anto bo tin cu paga pa esaki. Ayera anochi, ya mi a regala mi curpa completamente gratis na bo persona. Pero esaki no por sigui asina mas. Mira, mi tin un lista akinan cu mi prijsnan," Eva a bisa, mientras cu for di e cama, e la rek su man y a saca un lista getype for di un di e lachinan di e mesita di e cama. Karl," Eva a bisa cu'n voz frieu, "mi mes lo bai lesa e lista pa bo tende. Pa bo por tene

mi man, esey lo costa bo \$50. Pa caricia mi curpa, e prijs lo ta \$80 y pa haci sex normal cu mi persona, esey lo costa bo solamente \$200. Como cu bo ta mi esposo, mi no tabata kier a haci esaki mas caro pa bo persona. Pero si bo ta desea di haci algo nobo y bon den sex cu mi, anto esey si lo costa bo un poco mas, cual ta sali bo e suma di \$ 500. Bo por compronde mi awor, mi amor? No lubida cu mi ta hopi joven ainda, y mi tin hopi pa bai den e bida aki ainda. Pero abo no, Karl, como cu bo ta un homber bieu caba, cu ya no ta falta mucho mas, talvez pa bo por bai sosega den bo graf!"

"Bon, Eva, mi lo bai pensa riba bo ofrecio," Karl a bisa sin gracia den su voz. Karl a keda asina asombra cu e ofrecio di Eva, cu e no tabata tin e palabranan necesario pa por a defende su mes. Karl a kita su bril for di su wowonan y despues ainda paraliza a bisa lo siguiente: "Pero Eva, no tuma mi na malo, pero mi kier laga bo sa, cu bo ta un muher, cu no ta pertenece di ningun sorto di caracter normal. Pa mi, bo ta e muher mas baho cu mundo por a produci!"

Eva na e momento ey cu tur su odio, y cu'n voz duro a grita e siguiente na Karl: Y ta kico talvez bo ta keriendo? Cu bo ta un homber completo manera bo tey. Mi ta laga bo sa bon cla, cu bo ta un homber mas morto cu bo ta bibo. Ademas bo sangernan ya ta frieu caba den bo adernan! Morto ta yora bo, homber bieu cu bo ta! Eva cu'n voz furioso a grita den direccion di su esposo.

"Tende mi bon Eva, si bo kier drumi

riba bo lomba cu cualquier homber cu bo ta desea, anto esey ta bo asunto. Si ta esey bo ta desea, Eva, anto bo por haci esey cu Tom, Dick y Harry cual personanan sa bin bishita nos. Pero ami como bo esposo, bo no mester hinca mes den bo cabez, cu mi lo bai paga bo pa esey. Lubida! Cobra otro hombernan, si bo ta haya cu esey ta bon pa bo!" Karl batiendo fuertemente cu su mokete di odio riba e mesa su dilanti a bisa: "Den mi bista, bo ta un muher sin valor y cubri cu'n mancha di prostituta. Bo ta un muher cu mester ta pertenece riba caya, cu bo curpa forma pa sushedad completo!"

Algun anochi despues cu nan a coi palabranan fuerte cu otro, na momento cu Eva tabata den un sueño profundo, Karl a pasa man cu un cabuya y a mara Eva di un forma cu e no por a los su mes. Prome cu Eva por a realiza kico tabata pasando cu su persona, ya Karl a pone un prop di papel den su boca, p'asina evita cu Eva por lansa gritonan. E la lastra Eva pa su auto y a bai rumbo pa un caya antisocial y sushi, na unda e muher prostitutanen di mas baho tabata bende nan curpa na prijsnan baratisimo. Ora cu Karl a yega den e caya ey, e la los Eva, saca e prop di papel for di su boca, pa despues baha Eva mal baha for di su auto bisando e siguiente: "Awor bo mes por realiza, cu ta den e caya sushi aki bo ta pertenece, serca e muhernan cu bo ta mirando, bo mester hiba bo bida miserable y drumi riba bo lomba pa un pago miserable. Pero Eva," Karl a bisa ainda furioso: "Percura si pa bo no

REVISTA BOULEVARD

E Revista



corona pa e pueblo di Aruba

kibra bo weso di lomba. Esey ta, si bo tin esey ainda!"

"No . . . No, no laga mi pa mi cuenta, Karl. Mi . . . mi tin hopi miedo mes. Bo por kere mi, pero ta bo ta e unico homber cu enverdad mi ta stima. Ta bo ta mi unico homber."

Pero ya tabata laat. E palabanan ey no a alcanza e oido di Karl mas. Cu su auto, e la desaparece den e cayanan smal.

Karl tocante e caso aki a conta e siguiente na polisnan: "Mi a kere, cu ta pa amor Eva a casa cu mi. Pero a resulta cu mi tabata completamente ciego. Ta tras di mi placanan, e muher ey ta."

Eva mes a conta entre otro na e polisnan: "Karl ta peor cu'n cabrito bieuw y kens. Den amor y sex e ta mas bobo cu un burico. Boso por kere mi palabranan, den mi wowonan mes ta pa puro cabrito mi ta mira e homber ey! E no ta e mesun homber, cu mi a sera conoci cu su persona na Paris. E ta un cabrito asina kens y estúpido, cu nunca den su bida, e lo por yega na conquista un mucha muher. Mi no


ta gaña, ta berdad cu mi tabata kier e homber ey pa su placa. Pero boso no mester lubida, cu pa e placanan cu e tin, e tin tambe den su braza un muher joven como su señora, cu por haci su persona loco, ki ora cu mester riba cama. Pero mi tin cu bisa aserca si, pa su persona por goza di mi sexualmente, ta ami como su señora joven tin cu siña e homber kens ey, con pa haci amor di un forma pasionalmente. Pero pa mi por biba cu e homber ey, ta di puntra si e por soporta mi caricianan. Mi ta duda den esey. E ta asina un homber bieu y estúpido, cu ta mihor for di awor caba, e laga coba su graf delanta!"

Karl mes, despues di a tende e palabranan menos bunita di su señora a expresa lo siguiente: "Eva por wel di lubida mi pa eternidad. E no ta merece hamas pa ta na mi lado. E ta un muher cu ta pertenece den e mundo di caya. Talvez ta esey e ta gusta pa por gana su placa cu e hombernan vagabundo y mas sushi cu e por encontra. Aunque cu mi ta di opinion, cu e homber mas baho cu por ta existi den e


mundo aki mes, lo nenga pa haci amor cu'n muher asina falso.

E mihor cos cu Eva por haci ta, pa tuma un bon baño den cualquier di e rieuwnan mas sushi di lodo cu por tin, tratando asina di kita e susedad di prostituta for di su curpa!"

E matrimonio ey, cual tabata di corto duracion a haya hopi comentarionan mes. E pareha ey a logra haya nan divorcio, cu nunca, aunque cu tabata pa un periodo cortico, no por a alcanza di trece aunque ta un poco di felicidad cu un matrimonio mester."



STIMA BO PAIS ARUBA







HUMOR PA PROTEHA BO SALUD CU LOS WOIS WOIS




"Un momento, pader Sebastian"




Caramba, ta unda fierno mi cartera ta. . . ?



"Lo mi sera awor, mi kier sa cu Pablo mester di algo!"



No akinan Eric . . . domina bo deseo, warda te ora nos yega hotel.



**A TASTE FOR
THE ISLAND**

**ANCLA
FOR
ARUBA**

THE BEST BEER

**e mihor serbes!
puntra pe**

NAVE ESPACIAL GALACTICA

Tur Diadomingo

5or pm - 8or pm

Vuelo - 999

"Oldies 99.9"

(3 ora biahando bek den tempo)

Piloto: JOE HERNANDEZ

Co-piloto: Tico B. - Jimmy - Jan

GALACTICA FM STEREO

E sonido Cosmico

Tel: 830999



BIDA TA DUSHI CU

Betty Crocker®



OBTENIBLE NA TUR
SUPERMARKET & GROCERIES



TIP TOP AGENCIES

GENERAL COMMISSION AGENT
TEL: 22269


A87490



ROB TIRE & SERVICE CENTER N.V.

SABANA GRANDI 2 - SANTA CRUZ - ARUBA

NEW & USED TIRES * AUTO PARTS
TIRE REPAIR * WHEEL ALIGNMENT *
FUEL INJECTION * BRAKES REPAIR *
SUSPENSION * C.V. JOINT *
BALANCING * LIGHT ADJUSTMENT *
DISC & DRUM REPAIR *
STEAMING * LUBRICATION



**CALL NOW FOR
OUR PRICE**

**TEL.: (2978) 56688
50474
FAX: 58361**

